

ՀԱՆՐԱՊԵՏՈՒԹՅՈՒՆԸ ՏԱԳՆԱՊԻ ՄԵՋ Է

ԱՐՏԱԿԱՐԳ ԻՐԱԴՐՈՒԹՅՈՒՆ

Այսօր Հայաստանում «բլուկա-դա» բառը ամենատարածվածն է մարդկանց բառապաշարում: Դրժվար է դրան հավատալ, բայց մեր սոցիալիստական պետության մեջ միութենական հանրապետություններից մեկը հայտնվել է տնտեսական շրջափակման օղակում: Փակ են ավտոմոբիլային ուղիները: Կարվածաճար է երկաթուղին: Աննախադեպ այդպիսի ակտ մեր պետության պատմության մեջ դեռևս չէր եղել:

Մի քանի օր առաջ, ստորագրելով կենտրոնական թերթերի խրմբագրություններին ուղղված կոլեկտիվ նամակը, «Պրավդայի», «Իզվեստիայի», «Սոցիալիստիչեսկայա ինդուստրիայի», «Սովետսկայա կուլտուրայի», «Ստրոտիտելնայա գաղետայի», «Տրուդի», «Կոմսոմոլսկայա պրավդայի», կենտրոնական հեռուստատեսության և համամիութենական ուղիների թղթակիցները հույս ունենին, որ այն հրապարակվելուց հետո Հայաստանի կենսագործունեության երակները փակող մարդիկ ու շքի կզան: Կարելի է համակերպվել սենդի, արդյունաբերական ապրանքների պակասին, բայց, երբ ահավոր աղետից՝ երկրաշարժից փրկված հարյուր հազարավոր մարդիկ ստիպված կլինեն ձմեռել փաստորեն բաց երկնքի տակ, նման դրությունը ծնում է մարդկանց վրդովմունքն ու զայրույթը:

— Ցավոք «Պրավդայի» հրապարակումից անցած երեք օրվա ընթացքում քիչ բան է փոխվել, — գրույցի ժամանակ ինձ ասաց Հայկական ԽՍՀ Մինիստրների խորհրդի նախագահի առաջին տեղակալ Լ. Սահակյանը: — Մեծ ձիգերի գնով հաջողվեց նախօրեակների ԽՍՀ ղեկավարությունը համոզել բացելու երթևեկությունը գեպի Հայաստան: Սակայն բանակցությունների մասնակիցները զեռ չէին հասցրել ցրվել, երբ, շանցած մի օր, ճանապարհը նորից փակվեց: Արդյունքում ստացվել է ընդամենը չորս բեռնատար զբնացք: Հանրապետության աշխատավորները ակամա հայտնվել են գործազուլավորների գերում: Շատ ձեռնարկություններ ուր որ է կանգ կառնեն: Զկա հումք: Շարունակվող տնտեսական շրջափակման հասցրած վնասը հանրապե-

տությունը և երկրին արդեն հասնում է հարյուր միլիոնավոր ուրիշների: Հանրապետության Գերագույն խորհրդի նստաշրջանում, որն ընդհատել է իր աշխատանքը, ընդունվել է ԽՍՀՄ Գերագույն խորհրդին ուղղված դիմում՝ շերտափակումը վերացնելու համար անհապաղ միջոցներ ձեռնարկելու պահանջով:

Իրավիճակը շատ ծանր է բոլոր իմաստներով: Սեպտեմբերի 21-ին հանրապետությունում լույս չի տեսել հանրապետական և կենտրոնական ոչ մի թերթ: Օգտագործված են լրագրային թղթի բոլոր պաշարները: Հանրապետության բնակիչները չեն ընթերցել ԽՄԿԿ կենտկոմի ազգային հարցով պլենումի էյութերը, «Պրավդա» հրատարակչությունը Հայաստանի համար տպաքանակը տպագրել է Մոսկվայում և այսօր ցերեկվա ժամը 1-ին երթուղային օդանավով հասցրել իր բաժանորդներին:

Շարունակ «Պրավդայի» թղթակցային կնտ են դիմում շինարարական կազմակերպությունների կայացուցիչները, որոնք երկրի ամենատարբեր ծայրերից եկել են աղետի գոտում օգնություն ցուցաբերելու:

Սպիտակից հաղորդում են, նորվեգական մասնագետները, որոնք շահագործման էին պատրաստում 200 տեղանոց հիվանդանոցը, որոշել են մեկնել առանց աշխատանքներն ավարտելու: Ամսից ավելի է, երանք չեն ստանում իրենց սեփական բեռները, խախտվում են աշխատանքների ավարտի բոլոր ժամկետները:

Հանրապետությունում իրադրությունը ստանում է գրամատիկ բնույթ: Խանութներից անհետացել են մակարոնը, վերմիշելը, բրինձը, ինչպես նաև ձավարեղենը, լուցկին: Առայժմ ժողովրդի հանգրստությունը պահպանել հաջողվում է հանրապետության կառավարության կողմից ձեռնարկվող արտակարգ միջոցների շնորհիվ: Սակայն լարվածությունը քանի գնում ուժեղանում է:

Ա. ՍԱՐԳՍՅԱՆ
(«Պրավդայի» թղթակից)
Բ. Երևան
«Պրավդա», 22 սեպտեմբերի
1989 թ.